

Odboris andal **kriminalitakeri prevencija andal kancelar-ija vaš andruñpnaskero ministros andal SR** jekhetanes le **Štatistikano uradoha SR** anel bazutna informaciji the dopheñibena sar te na avel jažuroste vaj zadikhlo jažuroste le chochade rachiñbnaskere asistenten tel vachtoha

andal **1. 4. dži 31. 10. 2021**

# 1



### Sar predžala asistimen manušengero rachiñiben?

- + Prekal zaterdlo asistentoha, so hino andro kontaktakero than zathodo le gaveha/foroha.
- + Prekal čaladuno asistentoha, so hino andro avripen the rachiñiben kerel pro thaneste the akor, kana tumenca sas anglal dovakerdo.

# 2



### Pre soste peske kempel te del merkišagos paš telefonikano vičiñiben pal čaladuno asistentoste?

- + Čačikañaren tumenge telefonikano gin, pre savo šaj objedñinen la služba vaš čaladuno asistentos.
- + Le Čaladuno asistentos kempel te vičinel le peskere korkoreskere kempelšagostar.
- + Korkoro jekh rachiñiben na predžal telefonikanes. Telefonikane predžal ča službakeri objednavka vaš čaladuno asistentoste:
  - paš telefonikano vakeriben phenena peskero nav the kherutno nav, ul'ica, supisno gin the telefonikano kontaktos, ñisave aver informaciji na kampe te del.
  - aladuno asistentos tumenge vičinel pal chasñariben pes te dovakerel, kana ela tumaro jekhetano zgeliñiben.

# 3



### Sar predžal jekh korkoro rachiñiben?

- + Le čaladuno asistentoste hin legitimacija vaš rachiñbnaskero asistentos (šaj mangel les te dikhel) the akor, kana tumenge na san egistno, čačikañar en tumenge asistentoskero ajsipen andro kontaktakero gaveskero/foroskero than.
- + Rachiñiben na musaj te predžal ča andro tumaro kherutñiben.
- + Anglal oda, kana avela čaladuno asistentos, zachuden tumaro ul'ardo l'il.
- + Phučibena andal rachiñbnaskero formularistar pen na zathoven pedal but jileskere informacijen pal tumende, tumaro barval'ipen, tumaro sastipen the avreste.
- + Paš rachiñiben pes na mangela oda, aj den vaj the lekhaven vajsave dokumenti.
- + Pal rachiñiben šaj mangel le asistentostar pañado l'il pal kerdo rachiñiben, savo pes dela avri ča jekhvar.
- + O čaladuno asistentos tumendar na mangel love, ada savoro kerel pedal tumende hijaba.
- + Prekal dojekh rachiñiben doñikeren akanutna pašate governmentoskere arakhibena pedal ačhaviben vaš virustoste COVID-19 the leskero buch'aripen.

# 4



### Akor, kana...

- + ...tumendar vareko aver sar gav/foros mangel pokutakero potiñiben pedal bijorachiñiben, adi pokuta na potiñiben. Šaj oda jel ča chochaviben the vašoda akor sig vičinen le šingunen pro numeroste 158 the phenen vaš oleste le gaveste/foroste. O gav/foros dela e pokuta dojekhvar ča lekhadones.
- + ...jekh korkoro rachiñiben sas čindo le opeder sthode arakhibenena, vičinen le gaveste/foroste pedal čačikañariben vaš adi situacija.
- + ...hin tumen presikhado, hoj pre tumende vaj tumaro pašutno dženeste sas kerdo chochaviben vaj aver bundžand'ipen, **akor sig vičinen le šingunen pro numeroste 158 vaj le informacijakere kancelarijenge pedal ježuren vaš bundžande ačhibena (IK), save hine andro dojekh krajoskero foroste:**